

四庫全書

史部

欽定四庫全書

史部
隸續卷一至五

詳校官編修臣潘庭筠

編修臣程嘉謨覆勘

總校官檢討臣何思鈞

校對官待詔臣胡士震

謄錄監生臣張名林

繪圖監生臣秦江

篆隸監生臣郎錦駒

欽定四庫全書

史部十四

隸續

目錄類二 金石之屬

提要

臣等謹案隸續二十一卷宋洪适撰适既為隸釋又輯錄續得諸碑依前例釋之以成是編乾道戊子始刻十卷于越淳熙丁酉范成大又為刻四卷于蜀其後二年己亥德清李彥穎又為增刻五卷明年庚子尤袤又為刻

二卷于江東倉臺輦其板歸之越前後合為
二十一卷越明年辛丑迺復合前隸釋為一
書屬越帥刊行然辛丑所刻世無傳本隸釋
尚有明萬厯戊子所刻隸續遂幾希散佚朱
彛尊曝書亭集有是書跋曰范氏天一閣曹
氏古林徐氏傳是樓舍經堂所藏皆止七卷
近客吳訪得琴川毛氏舊抄本雖殘闕過半
而七卷之外增多一百一十七翻蓋自彛尊

始合兩家之殘帙叅校成編後刊本于揚州
即此本也計其書當亦如隸釋之體專載碑
文此本乃第五卷六卷忽載碑圖第七卷載
碑式第八卷又為碑圖第九卷十卷闕第十
一卷至二十卷又皆載碑文第二十一卷殘
闕不完而迺自跋乃在第二十一卷首蓋前
後叅錯已非當日原書之舊矣考彙尊所云
七卷之本乃元泰定乙丑寧國路儒學所刻

較今所行揚州本訛誤差少然殘闕太甚今
仍錄揚州之本而以泰定本詳校異同其殘
闕者無可考補則姑仍之焉乾隆四十六年
十二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

隸續卷一

宋 洪适 撰

郎中王政碑

君諱政字季醜漢中太守之孫從事掾之第三子也姿

履

闕三

黠之慘愛敬以事生哀憊以送終奉

闕三

歐陽尚書

研典賁侃

闕三

上

闕四

童冠聿集

承義方

闕三

十

郡端石

州辟從事

闕二

衛上先公

闕三

有羔羊之潔蘇申棠之欲

不營己好是正直仰不六闕守防東長威闕雙行帥下

以儉決訟明

民霖二闕淫佚革弭閭里

二闕風化宣流家

二闕施舉孝廉除郎中三署馳名見者宗 當豐人爵登

彼二闕神命四闕罕

脩仁不 卒從氛暴年五十以元嘉

三年春正月戊寅

三闕既歿而不 於是門徒士夫 君

二闕咸有二闕乃相與立石表行以後 其辭曰

於 明君 方 白時言樂笑曲徑不曲 職左公事

君蹇諤退食豳私透地允

仁慈

三闕

讓忘

三闕

清潔已惟

德之宅有嘉厥聲令聞碩養

俟

闕

夕階

不

闕

以勒

銘 昭厥德

右漢故郎中王君之銘隸額在濟州王君名政字季
圃歷州從事防東長察廉除郎其壽五十以威宗元
嘉三年正月戊寅卒門徒士夫相與立此石字雖殘
闕尚多可讀者歐陽公云磨滅不復成文名字官闕
卒葬年月皆莫可考蓋察之不詳爾小歐陽以為其
字季輔趙氏以為光和元年立皆非也碑云有羔羊

之潔無申棠之欲鄭司農注魯論云申振蓋孔子弟子申續家語申續字周史記申棠字周此碑所用有

自來矣

碑以貴為墳德即感字鮑即絕字

平輿令薛君碑

惟延熹六年春二月平輿令薛君卒烏虜哀哉吏民其咨咨君之德迺建碑石于墓之側其辭曰

於皇降德于茲武君武君殷祖官有世功迺侯于薛苗盾被分作漢卿尹七世相承君之懿德性比泚真如冰

之潔如玉之堅靡術不綜罔禮不遵忻忻之至三族曰
敦美名委質宣昭令聞升州入宰炳乎其勛莅政已吾
爛而有成遷典平輿匪威匪仁寬猛呂濟藎矣惟清化
未期月遘屯竺旻吏民移卜嘗禱屏營旻天不弔不憇
遺君晡宵薨祖命不可弣國人巷哭若喪厥親躡白號
恒童穉嗷呻嗟嗟酷痛如何旻乾靈樞旋歸卦比窳窳
悵悵士傷側爾酸辛媼族畢素縞皆庭於是吏民乃復
追歎君初舉孝三署播名愛佐戎 來臨汝南剖符之

貳千里同塵料棟真寶好此徽聲貢奇達異迥酌清英
遺風令歌礼夫不愆云君回軫誰不哀歎 意迷流乃
隕乃顛如可贖也人百其身昔邵臨國民謂之父今也
薛君追蹈厥緒身歿言存是謂不朽于武吏民悲慕罔
已刊石紀銘永昭于後

右漢故平輿令薛君碑隸額前有敘凡三十六字大
略云平輿以延熹六年二月卒吏民咨其德建碑于
墓之側次有銘詩三百四言文雖無缺而不書其名

字其云我君肇祖迺侯于薛者謂夏之車正吳仲也
又云作漢卿尹七世相承者西京有御史大夫廣德
沛人東京有千乘太守漢淮陽人其傳云世習韓詩
父子以章句著名元和姓纂云薛公獻策滅黥布其
玄孫曰廣德而千乘又其玄孫也平輿豈其苗裔耶
其云君初舉孝三署播名則知其以孝廉為郎也又
云莅政已吾遷典平輿則知其嘗治陳留之邑也又
云來臨汝南剖符之貳者汝南治平輿縣蓋以縣令

為郡守之貳也又云昔邵臨國民謂之父者謂南陽
太守召信臣也薛君為令而云追蹈厥緒者取其循
良而用之不以守令而拘也詩云永矢弗諼禮云終不
可諼兮二字蓋通用此則借諼為誼也揚雄傳繫既玆
夫博說注云玆古攀字此銘以君功承堅南清誼攀
數聲為一章詞句鏗鏘若合音律漢人作銘頌用韻
多如此韓文公此日足可惜詩出入聲韻中正用此

體殷即肇字貞即質字爛即爛字寬即寬字愁即愁
字實即實字哀即懷字竺亦音篤碑云過此竺吳

恐異亦
借用

司徒掾梁休碑

上闕

休字元堅蓋

二闕

之苗裔也

下闕

載踵勲業文武相濟

君曾號稱三

下闕

郎中早終君慕考鴻軌體履引懿敬

下闕

為主動以禮讓為先每在同儕推人抑已下闕而後流馨

香播越名實先登仕郡歷五官下闕淑瑋遂察孝廉除郎

中光祿主昭德塞違下闕韜光翳耀隱身殉道隘窮不

悶匪令始實下闕通四海之閔除禁防既釋辟司徒府

府秉忠蹈契

下闕

勞滿奏上拜新都令謙為自劾寢疾於

家季六

下闕

有二月戊寅卜葬太守安平趙府君嘉厥高

薤

下闕

尼父之美宋敘三命之伐存有五名歿宜見旌

下闕

守節曰貞博聞曰文請謚休為貞文子爾乃祐

下闕

詞曰

上闕

文允聿棘勤典素精孔墨高難隱深不測

下闕

紫極

遐尉恩得潛伏靈闈張

鼎式掌既盈命

下闕

玄石勒立

堂祠峙神德歿不朽傳兆偉

右司徒掾梁君碑篆額惟存掾碑二字碑錄云荊州

穀城有司徒掾梁君碑建安廿七年立此黃武前一年也豈吳人尚用漢歷乎否則誤字也梁君名休字

元堅為郡五官掾歷郎中光祿主

下闕一字

辟司徒府拜

新都令有大墓日月而闕其所終太守趙君相與謚之曰貞文子銘詩以三言為文梁君終於宰邑而以公府掾書其額者重內也東都光祿雖有主簿而戴就傳云舉孝廉光祿主事注引風俗通曰光祿奉胙上就為主事此碑光祿主之下闕一字未可斷以為

簿也其云禁防既釋則鉤黨也又有韜光翳耀隱身
殉道隘窮不悶之句銘則云遐尉罔退潛伏皆謂黨
事當是時天地閉塞邪枉熾結關三木錮五族者盡
天下之名流其得幸免者蓋鮮矣中平初黨禁始解
久幽之士信着而復起梁君遂從聘召更二十餘年
而卒郡將至於累衍論議宜不在夏恭范丹之下史
策既沒而無傳集古如歐趙又遺而不錄幾不得比
於婁壽魯峻因碑碣以著見石雖勵存賴它書而得

其姓士之澡身厲操而能垂光於後者亦難哉

契即
紮字

祐即
柘字

防東尉司馬季德碑

上闕年九月廿九日故山陽府卒吏防東守尉司馬

字季德二闕先出五闕氏之苗裔也二闕三代常為侯伯周武

克商其胤族四闕仲三闕施於民迄千二闕立濟其美不實

其功二闕金銀翼衛四闕彊熾下闕于季德幼有聲四闕文東惠

恭接物耽古好學三闕裒道下闕五六闕箴規二闕克誦其詩

既優

六闕

明允篤誠不三闕小

畏慎如臨于台左公明明

委蛇其德德

三闕

肅

下闕

壽黃耆永享五福猥遭溫疾喪

友華榮

下闕

郡人諸友

鄂

驚

二闕

會集沅涕霑

下闕

發

舊宅消邢幽門百兩旁

幃

愆

送者

悲

下闕

德金

石播

三闕

魂而有

嘉

寵休烏虆哀哉

右山陽府卒吏防東守尉司馬君碑其名闕其字季

德有所終之日月而其年則摩滅陳勝傳云勝攻陳

陳守令皆不在獨守丞與戰譙門中張顏並注為郡

守縣令又云郡守之丞故曰守丞司馬氏索隱曰秦
無陳郡皆字是衍文守令與守丞同守非官也劉敞
原父云是陳縣之攝令游俠傳王游公謂茂陵守令
尹公曰君辱原涉如是一旦真令至復單車歸為府
吏注云守茂陵令未真為之隸釋有羊竇道碑云青
衣尉趙君到官六日郡召守鐵官長積四月徙守成
都令後還歸尉官又金鄉守長侯成碑云郡授五官
掾功曹守金鄉長即家假印綬周憬碑陰有滇陽守

長南平丞寒祇三人者亦是以它官攝事此云山陽
府卒吏防東守尉者以郡曹而攝邑官其本秩自如
故猶今之兼權也防東二字頗曖昧難辨故趙氏以

山陽卒史名之自三蒼滂喜亡

李斯作蒼頡篇揚雄
作訓纂篇賈勳作滂

喜篇名曰三蒼滂喜漢和帝時作
郎中以隸字三三蒼隸法始廣

小學不絕如綫字

書行於世者篇莫加於類篇韻莫善於集韻所載隸
古以石刻校之則攬撫尚多脫略隸法皆以悠作悠
此碑又省作悠稽之篇韻咸無焉聊因論此擬急就

之一章云滴喜悠悠默森繼涉喜悠悠獨無繼出袁良孫叔教司馬君鄭固劉

寬揚厥碑一字數出者不再見 隸灑乖離号采也隸法乖離昉于世出祭陽令無極山

張訥孔耽表達厥伯著富春丞碑 斷擗孟籍載壘厥斷擗孟籍載一

孔耽元賀魯峻祝睦平輿令碑 妣羣祀氏義農出費况老子清河相碑 邦處禹邦舜禹出

鄭固帝免孔廟碑 終眷龜終眷秋出孔廟孔謙揚著碑 陳鄂魯陳邠魯出揚震孔廟

袁良表良 爻暴癘刻暴羸出潘乾孔宙郭仲奇碑 禽廟楹禽霸楚出孔耽魯峻袁良碑

墨穿迹基字恢出劉脩孔耽靈臺碑 啓劉跖啓劉詐出逢童周慄祝睦碑 峯變

堯峯變堯出苑鎮 鼉鉞臉朝粥聚出楊厥張壽涿叔教碑 甃葉曹解葉

九

曹出逢童華山
亭北海相碑
呂孟禎
孟祖上二字出
秉奠禮典

禮出帝克祝
睦孔和碑
垂律渡
垂律度出孔耽
侯術顯
儒術顯
出魯峻

孟郁郭
仲奇碑
耐射據屢
耐杜尚李翁碑
風雲霜露星電輝
出夏承郭仲
孟遵壺光輿鼎彝
籩

風雲霜露星電輝
出夏承郭仲
孟遵壺光輿鼎彝
籩

壺咒瓊鼎彝上出孔宙次三字出韓
勅餘出孔宙楊厥三公山孫相碑
柰梭香馥茂五

儀
黍稷香馥薦血犧出三公山文展
表逢祝睦次二字靈臺下帝克碑
滌濟鯨涯虛碧

題
滌齋黼綺靈嚮歸出蔡湛淮廟
孔彪蔡湛帝克孟郁孔和碑
鳥獸晉鮪鳩麟龜

鳥獸鼠蚌鳩麟龜出孔耽樊毅唐
公房靈臺唐扶孔宙戚伯著碑
道邊通漵漵過漵

道邊通達遺過隨出高彪劉脩
唐扶宋恩武梁馮煥劉熊碑
溯溪闕真表出公

洋測

闕與表出之出表良孔謙
凡此之類皆非假借字書

吳公韓勅唐扶孔耽戚伯著碑

所不應棄蔡伯喈奉熹平之詔列鴻都之碑晚學咸

所取正未嘗一字好奇也如前急就雖曰漢人典刑

亦石經之所不取今之學者事不師古乃緣手隨筆

變點畫褻偏旁以取新尚怪為能間有所據不過晉

魏以後事體此膏肓之疾也

碑以邪為愕以邢為形彈即彌字

中山相薛君成平侯劉君斷碑

益州刺史中山相薛

闕下

巴郡太守宗正卿成

闕下

惟二君闕下神府乃闕下平文武闕下祭死者闕下薛劉征討輕

闕下曰闕下賢勞闕下壑闕下功闕下今闕下

右漢故益州刺史中山相薛君巴郡太守宗正卿成

平侯劉君碑隸額頗雜篆體其碑髣髴二十行所餘

其上一段它石斷裂不存矣第一行有益州刺史中

山相薛八字第二行有巴郡太守宗正卿成八字第

三行有惟二君三字餘皆不可句讀蓋前兩行各舉其官後行始是碑語與廣漢屬國辛李二君碑正同其間有祭死者及薛劉征討字殆是紀述平寇之事趙氏誤以為墓刻故云古無兩人共立一碑者又以劉君為成平侯相詳其額初無相字此蓋王子侯也西京列侯其傳國皆有世次東京枝葉既不蕃而史筆又簡略其書于策者不過如東海王傳云王弟二十二人皆為列侯耳故劉君之名不可得而考周官

太宰卿一人為太宰以卿一人為之也百官志太傅
上公一人太常卿一人蓋史氏用周官之法紀傳所
書居三九之官者皆不繫以公卿字惟孔廟碑稱吳
雄為司徒公趙戒為司空公衡方碑題衛尉卿與此
碑所題宗正卿乃遣辭揮翰者益非當時官名也太
尉劉寬司空宗俱光祿勳劉曜廷尉仲定碑額俱不
加公卿字後世以卿名其官則自蕭梁始

司空殘碑

上 躬差觴豆婆娑尊俎盛下 命爾司空予回爾輔下 功

遂不居思冲芒甚消下 納我調范既童具處庶下 予惟

哀憤用著斯詩下

闕

右司空殘碑四十五字政和乙未得之西洛天津橋
下所存片石纔五行行九字皆銘詩也字徑二寸餘
雄健清新蓋漢代之神品其詞有云命爾司空故趙
氏謂之司空殘碑末云予惟哀憤用著斯詩知其為
丘壠之文也碑陰有皮氏段升子榮題名百有餘人

訪之未獲

處士嚴發殘碑

上閏月戊申朔五日美丑彭城下閏桓譚佐陳章言霞土嚴

發下生則有曾閔之行送終則下允誠於多友不求直

呂下分離拔身委讓勤四體下志鑄堅仰高西遲衡

門下甚下例所述本有一行則可尊下蓋孔子作春秋裒

儀甫下呂下塞利欲之徒是故貴有商下呂顯寶玉今聽

表門閭復下勉陵徒已表言會月下閏上君丞汝南番

君戶曹掾

闕下

右處士嚴發殘碑所存十有二行行凡十字其大略
載桓景陳章所言處士嚴發有曾閔之行栖遲衡門
誠於朋友引春秋襄儀甫之事後有聽表門閭復之
文復下字闕蓋邑官稱嚴之行遂表其門閭復其租
繇而碑之所由立也末有丞汝南番君及戶曹掾題
名當是其時官寮也其首行月日之下有彭城字乃
其鄉國也名誥云戊午社于新邑越七日甲子是從

戊至甲為七日畢命云六月庚午肫越三日壬申亦是從肫至壬為三日西漢律歷志引逸書粵五日乙卯亦然惟武成云丁未祀于周廟越三日庚戌則是祀廟之後三日去丁而不數與召畢二篇立文不同此碑云戊申朔五日癸丑者正用武成句法百官志孝子順孫烈女義婦及學士為民法者皆扁表其門許氏說文云扁者題門戶之文則旌閭之事東都益已有之此碑不見歲年月疑其非漢刻雖字畫不工

却不類魏晉以後書法棄之又可惜也

碑云錫堅仰
高與今文論

語不同又以西為栖倭為溪
倭為夷髀古響字悉即志字

欽定四庫全書

卷一

隸續卷一

欽定四庫全書

隸續卷二

宋 洪适 撰

新莽候鉦

候鉦重五十來斤新始建國地皇上戊二年右上海
造盂夫放守史凡掾大夫左丞守令嘉掌共工大夫

闕二

右候鉦四十二字闕二字王莽地皇二年所作紹興
中出於金州今在毗陵胡承公家漢器如館陶釜廿

泉內者鐙之類雖非彝鼎間古文蓋猶是篆體獨此
器所書有波畫字尤清勁與漢末筆法無異孰謂西
都隸字皆古拙乎范史祭祀志東夷傳俱有建武中
元之文與此所謂始建國地皇相類語在何君閻道
碑說文泰象形如水滴而下賈山云泰塗其外是也
而漆象締紆倚桐梓漆之類經傳已多借用至今反
以泰為古字漆沮之漆却有省其水者韓勅碑書漆
作凜此云重五十來斤者隸法小變而借用作七也

吳天璽年國山碑云神女告徵表祥者世有漆唐襄
談司刑寺佛跡碑云長安貳率漆匝夫豈無據乎惟
北齊文宣以七為漆而誅上黨王渙則冤哉虐也數
自壹貳至於玖拾莫非假借獨柒字鄙俗無它訓若
倣古而用漆漆豈不韻勝莽本傳云莽自以土行故
令太傅府置戊曹以戊子代甲子為六旬之首冠用
戊子為元日昏以戊寅之旬為忌日今太史推三萬
六千歷紀六歲一改元遂改元為地皇其所下書有

上戊六年之文孟康注云上戊者莽所作歷名故此
云上戊二年也趙氏有居攝墳壇刻石其一曰上谷府
卿墳壇一曰祝其卿墳壇皆居攝二年造趙云上谷
郡名祝其縣名王莽時官名日易史家不能盡紀不
知府卿祝其卿為何官予嘗於廣漢屬國造橋碑論
之矣應劭所云大縣有丞左右尉所謂命卿三人漢
隸有吳郡府丞武開明碑而武榮碑中稱之曰吳郡
府卿又沈子琚緜竹江堰碑云縣丞王卿則居攝墳

壇刻乃上谷府丞祝其丞也予未獲此二碑因說王
莽候鉦故并及之

耿氏鐙

延光四年二月耿氏作鐙比二工張裏造

右耿氏鐙安帝延光四年所作見於錢唐薛尚功彝
器款識碑比二者言如此器之比有二也兩漢器物
銘存于今者皆是篆文獨此一鐙用隸第薛君酷好
篆古不習隸法模勒不精頗失其精未知此器今藏

於誰氏也

五君栝栳文

大老君

西海君

東海君

真人君

仙人君

右五君栝栳文十五字予所見者已裝治成帙不得

詳其形製五君之旁有棧各三徑三寸餘其中者圓
若碑碣之穿上下二棧則脗褊不勻亦有闕其一者
藏碑若歐趙皆所無有復不見於諸家雜說中殆莫
知其為何物獨武陽黃伯思長睿作洛陽九詠其瞻
上清一篇中云窪枰五兮石栝九饗西后兮服東后

所注甚詳今并錄其詞云瞻邛阜兮北睇眇璿題兮

雲際羌胡為兮斯宮肇先唐兮六世

唐初北邛
有老子廟

開元末廟北別建玄
微觀後曰上清宮

蕊殿兮穹崇桂棟兮椒墉綺

疏冕兮杲日瑤鐸韻兮曾空峨雲冠兮紛羽袂颺為
車兮鶴為驥暖羣真兮飛軒悉雲從兮仙李日旂兮

霞旆騰玉蚪兮沛艾穀祖祀兮肅祗塚瓊章兮綵縹

唐明皇朝謁齋宿斯宮有詩石存焉煥妙繪兮秀發五龍儼兮千鷲列

悼兩駁兮盭蒙隨一掃兮煙滅宮殿有異道玄畫即杜甫稱五聖聯龍袞千

官列雁行本朝祥符中府史以其故暗刻而更畫森羅妙絕之跡一旦掃地矣李西臺建中得數像寘齋

壁後為大水所沒鬱梁子兮翠枝樛藏史西兮麗紺牛度函

關兮代邈木何為兮此留殿有古木相傳名梁子木老子以繫青牛蓋後人假

甚說明窪枰五兮石栝九饗西后兮暇東后若脰渾兮

自然差眇茫兮難究

宮中有石上列圓穴五橢穴九俗謂之九卯石側各有題記曰

大老君真人君仙人君東海君西海君字與漢人隸法同其穴殊無刊刻之跡乃漢世所作以祠真仙耳圓者代枰橢者代栝就石為之若窪尊之類或謂晉世仙人白仲理作此鍊丹非也蓋字畫類漢世隸不類晉體柏翠兮黎紅金井露兮玉橙風思少陵兮不可

再得吾獨吟乎山之側又東觀餘論載政和中黃君瞻上清跋語云此碑帙有五君栝枰文故書於右且云欲考栝枰所以者觀此可知也宣和殿藏碑錄以

為漢碑面名之曰真人君石樽刻與四老神祚机刻石同帙良由此石就其上有器物之狀以祀五君故或謂之栝椌或謂之石樽而黃君之詞可據始知是洛陽上清宮中之物其文惟大老君三字最大蓋尊老子也西海真人六字却似晉人筆札豈鐫刻有工拙乎六經無真字獨於諸子見之延熹中蔡邕作王子喬碑及仙人唐公房碑皆有真人之稱矣

征南將軍劉君神道

有漢征南將軍劉君神道

右征南將軍劉君神道十字大小與王稚子闕相類而剛勁過之惟後兩字利損兩漢雜號將軍掌征伐背叛事訖則罷不常置也唐杜佑云四征興於漢代四安起於魏初四鎮通於柔遠四正止於喪亂在光武時岑彭嘗建征南之號矣牛僧孺玄怪錄載盧公渙為明州刺史時有盜發漢征南劉將軍墓者蓋在明之翁山縣其官氏偶同非此劉君也

司農劉夫人碑

漢故

闕下

司農夫九

字人

祖自會稽山陰姓劉氏字思夫九愛特

貞

體

性純淑非禮不字

行

加

哲

倉

沈

九

穆

闕三

帝爭孫

息

盈

房

導

男

以闕

薦

職

德

酌

出

効

狂

傲

為

闕八

宮

復

金

闕十

公

嚴

仲奉闕

迎

醫

極

友

悠

遠

索

允

闕廿三

闕十七

德

畫

圖

豚

甄

采

其

闕七

巽

九

闕八

帝忘

右司農夫人碑漢太尉許馘之室也首行有標題之
文石已剝所存數十百字其漫漶者強半惟次行
獨全故知其姓劉氏而為山陰之人其辭惟數句可
讀如云體性純淑非禮不行及孫息盈房而已其云
德配古列任似者以如為似也字畫多雜篆體所書
以字全類孔宙碑其它偏旁多與故民吳公碑中山
相薛君題額相類應劭漢官儀所載三公孝靈時有
吳郡陽羨許馘季軼范紀光和四年馘以衛尉代劉

寬為太尉今許氏兩墓皆在宜興而此碑猶在夫人
冢旁吳處厚青箱雜記云義興有許馘廟其碑許邵
所作唐開元諸孫重刻碑陰有八字云談馬礪畢王
田數七徐延休讀之曰談馬即言午言午許字礪畢
必石卑石卑碑字王田乃千里千里重字數七是六
一六一是立字今其殘碑纔有數十字其間載許君
自司農遷衛尉此又稱劉氏為司農夫人則銘墓時
許猶未為衛尉也其碑在光和前無疑建康王厚

之云其友陽羨邵偉嘗泛舟過許氏叢冢見水濱一石舉而察之則許君殘碑也邵遂載以歸厚之字順伯樂古多聞山陰石臺卿亦佳士搜奇挾怪埤助此書為多

任君殘碑陰

上闕

三 四車九月十日五官掾

十闕 令

君

三闕 主

七闕 何治

五闕

先桓守史景

十五闕

故官石官二

四闕

少

二闕

七

四闕

四千木

二闕 直千二百

二闕

鼎縛官

二闕

直九百

三闕

少二

三千

百

君殘官石少校見左石廟龍時主事

闕

掾杜峻孟珍史

何 益 又

闕下

右任君殘碑蜀人謂之武帝先生任君碑陰所謂先生似若玄儒先生婁壽之類第武帝二字必有譌也此碑可辨者不盈百字惟掾杜峻孟珍姓名獨存何孟二史僅有其姓前有四年九月十日五官掾字而紀年及名氏皆闕中有直千二百直九百及四千三千字又有石少木苻及廟就字蓋是計繕脩所費豈

任君有祠于彼而邦人尊事之乎

舉吏張玄殘題名碑

舉吏汝南細陽張玄

闕下

魏郡內黃

闕下

千故吏河內林慮

闕四

二千

闕上

薛令寧陽

闕四

千門生濟南郡平

闕二

文

千門

生濟南梁鄒虞升仲遷二千門生東郡范夏

闕二

二千門

生東郡東

闕六

門生東郡

闕七

千門生平

闕下

安德

闕下

千門生

南

闕下

門

闕下

千門生任城

闕下

門生

闕下

千

闕上

和五百門生

闕下

五百門生

闕下

門生

闕下

右舉吏汝南張玄殘題名其可見者故吏河內一人
門生東郡三人門生濟南二人門生平原任城各一
人薛令有其官而亡其姓名惟虞升一人郡邑名字
及所出錢無一字闕者漢碑稱舉將者有二外黃令
高彪碑稱潁川太守文君為舉將三公山碑元氏尉
樊子義稱常山相馮君為舉將其自稱舉吏者獨於
此碑見之

公乘伯喬殘題名

上廣都公乘伯喬上曹守長郛審叔雍

右公乘伯喬殘題名所存者一列二人廣都及郛皆蜀郡之邑而所題者乃其蓋字西州之殘碑也

雒陽稚子六字

先置雒陽稚子

右雒陽稚子六字其大小與王稚子二闕相若而波

磔不越乎規矩之外亦刻於稚子闕上但殘闕不具

無先後之序

平陽府君六字

平陽府君耐神

右平陽府君六字蓋漢神道所刻者石缺不全莫知
為何人漢字存于今鮮矣譬之麒麟一毛虬龍片甲
皆可貴也

隸續卷二

欽定四庫全書

隸續卷三

宋 洪适 撰

建平郡縣碑

建平五年六月郡五石像范功平史石工數徒要本長
廿五丈賈二万五千

右建平郡縣二十九字建平者哀帝之紀年其五年
已改為元壽矣此云建平五年六月者與周公禮殿

碑相類殆蜀道未知改元耳此碑却無篆體乃西京之佐書也隸法雖自秦始皇取其簡易施之徒隸以便文書之用未有點畫俯仰之勢雖西京之世學士大夫不留意此書故彝鼎所識碑碣所刻皆不復用之觀此數字可見當時之書法也郫者蜀郡之邑此碑近出於蜀中名之蠶崖碑當是略其地名也碑之始則書年月其次書掾史又有石工之文而云長二十五丈必是鑿崖治道如何君尊榘趙尉羊竇之比

其未記其所費故云賈二萬五千

巴官鐵盆銘

巴官三百五十斤

斤

永平七年弟廿七西

右巴官鐵盆銘十六字顯宗永平七年造建中靖國
初黃魯直自戎州東歸厥弟叔向攝邑巫山有大鹽
盆積水堂下以植蓮芡魯直去其泥而識之其文鑄
出鐵上故雖有發筆而勢不可縱人或指以為篆首
行惟有一字如一而反最後一字如西而有連筆魯

直以為前刀而後酉亦謂之秦篆又以斤為戊皆誤也

太尉劉寬神道二

漢太尉劉公諱寬字文饒

漢太尉車騎將軍特進昭烈侯劉公神道

右劉公神道二刻其一曰漢太尉劉公諱寬字文饒
其一曰漢太尉車騎將軍特進昭烈侯劉公神道各
有一螭蟠屈平其上而下作獸面如彝鼎間饗饗之

象當是雙闕所刻漢隸大字不用點獨高頤及此碑
有之字法與正碑相類圖畫則微拙不及王稚子沈
新豐之精也劉公墓於洛非僻陋遐遠之域自昔訪
石刻錄古事者惟知上東門外有門生故吏兩碑耳
俱不知更有此刻信乎天下之放失舊聞皆若是也

丹陽太守郭旻碑

君諱旻字巨公有周之裔

下闕

君膺天休

三闕

明德矜

下闕

十八為袞可測

加乙體明道術

下闕

然獨

少仕州

郡宣著嘉名察

六闕

省其傷疾

瘳完命已免於月

下闕

十書侍御史獬刑森頗憲臺如砥

下闕

十六除稜拜郎中治

書侍御史彌絳裘

下闕

里佗乎九郡咸寧河朔凱穡徵

拜

下闕

十五朝異焉是時淮夷蠢迪帝曙官綏蒲

下闕

十四遠齊

逸俗通聖化勅民困康移風易

下闕

十四惟莫反初幸過耳

順寤疾殞積延熹元

下闕

十三微言絕矣諸子曷仰三載禮

闕迺羣相

下闕

於休我師恂恂郭君既明且誥眈此憲

下闕

十三易輸勤

上闕

一字

讚理士師獄羈放紛三典執

下闕十三
上闕一字

蚺機夙夜惟寅

獫蠻憬彼用綏海濱

下闕十二
上闕三

連光暉有翁永世不泯

上闕

一 是沒子故五原太守鴻議郎果及胤孫范

下闕
十一改

前文益用昭明祖勲德旨宣達情

庶傳不

下闕

故漢故丹楊太守郭君之碑篆額郭君名旻太尉禧

之兄也仕至丹楊太守以威宗延熹元年卒三載禮

闋諸子已刻墓道之銘矣而碑石狹小加有瑕癥後

十餘年當孝靈光和之二年其從子五原太守鴻因

莫太尉公遂與其孫范不改舊文重立此碑今石已
橫裂首行失其下十八字末行所失十字文闕其半
矣趙氏猶及見其全者中有彌縫袞之文而失其下
一字時郭君為治書侍御史蓋謂彌縫袞職也西漢
丹楊郡則治宛陵丹楊縣則今之建康也東漢史皆
作丹陽隸刻如費鳳嚴訢碑亦然說者謂郡北有赭
山故云此碑以丹楊題之者通用前朝字也西晉移
部於建業元帝改太守為丹陽尹地里志云山多赤

柳故名而它書載漢晉此郡無從木者至唐天寶年
始以京口為丹陽郡改曲阿為丹陽縣郡縣皆非漢
舊壤也西漢志丹陽云楚之先熊繹所封案史記周
封熊繹於楚居丹陽徐廣注云在南郡枝江縣秦齊
破楚屈匄遂取丹陽即其地東漢志亦云枝江侯國
有丹陽聚班史所注乃以丹陽為楚子始封誤也

即膺

膺字簡即豫字启即克
字樹即嘉字般即癡字

嚴訢碑

惟漢中興卯金休烈和平元年歲治東宮星屬角房月

建朱鳥中呂之均萬物慈躬華澤青葱蛟行蠕動咸守

厥常人物同授獨遭灾霜顛實徂徂落木不寬弘經設

三命君獲其央幸六十有九禮勝蚤天咎嗟痛午嗚呼

悲傷故著名諺諺曾嘆歎歎發嘖嘖授其筆舒慮曠喟

其辭曰

伊漢嚴君諱訢字少通兆自楚壯祖考相承招命道術

治嚴氏春秋馮君章句衆春澗 靡不 覽君體性慈

仁棠宵

二 闕

忠公清白好善博愛有文有武

二 闕

兼備幼為

郡掾史會稽諸暨尉字烏程毗陵餘暨章安山陰長以

疾去官後為丹陽陵陽丞守春穀長舉廉選東牟侯相

闕四字趙
作下邳祝

長典牧十城所在若神宣布政聲

二 闕

甘棠貧

細隨附賢士敬名行旅歌謠慎於所

五 闕

鄭寔與相似恩

澤與曷

五 闕

名臧文威如哮虎仙南信

德配公劉

三 闕

宣

為二

二 闕

風至今不滅幸

七 闕

何億掩忽摧臧

三 闕

於是官

送君莫不悲哀舒氣言

二 闕

後宮貴人上

二 闕

君魂

靈

樞四闕農夫桑婦

嘆歛

二闕

人憫復優目

三闕

哀

二闕

嗟君

四闕

云斯

適

七闕

字身甘復

五闕

次子

三闕

昔先子女斯

三闕

有命

不可追留嗚呼哀哉何棠所宰臨十城布化垂光明功名

休赫盛魏難蔽障今歌於道

三闕

甘棠君不享黃耆壽實

沒歸

定

字定

且於中嶽玄照洞倉弘高顯

五闕

刻畫文脗

堂列種諸奇樹旁何禍靈魂審有知福祚遺子

闕下

右嚴訢碑無額政和中出於下邳漢人銘墓皆一律

此碑先書其所終歲月及壽考有嗟惜之辭踰百言

始云伊歎嚴君諱訢字少通遂述其行事與費鳳兩
碑略相似銘詩亦五言列種諸奇樹一句又同豈此
碑亦卜君所作乎訢所歷者諸暨尉烏程毗陵餘暨
章安山陰長丹陽陵陽丞春穀長東牟侯相祝長
年六十九以威宗和平元年卒其云歲治東宮星屬
角房月建朱鳥中呂之均者謂庚寅四月也又云治
嚴氏春秋馮君章句兩漢傳春秋嚴氏學無姓馮者
蓋史之闕文也此碑東牟侯相之下長之上闕四字

趙氏作下邳祝漢無祝縣蓋亦闕其一字下邳本屬東海東海則有祝其疑此邑嘗割隸再今之仕者視典縣如探湯或捷徑以避之雖驅以三尺不過壹再為之即止訢游宦數十載八綰銅章多在今江浙之間雖漢人不卑小官自安其分亦王事易集民俗醇厚然後可以屢居其職也長興施元之德初既見隸釋博求闕遺轉搨此碑以贈我句中有脫字者俟見石本當正之

碑以央為缺以億為意以掩為奄

龍門禹廟宗季方題名

宗季方賈冬方王伯卿王伯敬趙仲方趙仲都宗元政
賈元周賈伯常宗蓋宗 奴桃后進桃石起王仲與
王 子桃世起王酉子王益宣王叔祖王回 尹阿祿
尹宣祖趙盛 趙阿 王他柱王萬金王景宣桃他郡
賈疆春王君博王景陽賈元輔宗石零郭阿胡陳政陽
王仲宣馬安國左池云四陵仲武王通國王元方

右龍門禹廟宗季方四十一人題名百二十有四字

趙氏錄禹廟凡二碑皆在龍門其一有皮氏長劉尋丞樊璋姓名而無陰其一有皮氏長安定蘇字而文已磨滅其陰則有汾陰趙遺數十人姓名官爵及西鄉亭長劉昱等名最有龍門復民三十五戶人名此碑二列有四十一人姓名疑是龍門復民而多少與趙說不合蓋別一碑也其間有尹阿祿郭阿胡與靈臺穀阮二碑陰相類又有王酉子桃他郡宗石處左池云數人俱非士君子名字也複姓有四陵一人亦

姓氏書所無者題名之上有文十餘行乃唐開元中
龍門令呂延祐所作禹廟頌楚順八分書亦猶魏子
廟碑後人刻於石之空處耳使趙氏有此則當錄於
唐碑之列也

米巫祭酒張普題字

熹平二年三月一日天表鬼吳胡九二仙闕歷道成玄施

延命道正一元布於伯氣定召祭酒張普萌生趙廣王

盛黃立長楊奉等諭受微經十二卷祭酒約施天師道

法无極耳

右米巫祭酒張普題字凡七行六十七字今在蜀中
威宗熹平二年所刻范史劉焉傳云順帝時張陵客
於蜀造作符書受其道者出米五斗陵傳子衡衡傳
子魯其來學者初名為鬼卒後號祭酒注云熹平中
妖賊大起漢中有張脩為太平道張角為五斗米道
使病人處靜室思過祭酒以老子五千文都習為請
禱之法此碑有天師道法及祭酒鬼兵字而云受微

經十二卷蓋諸張妖黨指傳授之約觀其詞以是姓
胡老初入米社中故召諸祭酒受以經法頗合史
氏所載此碑字畫放縱欹斜略無典則乃羣小所書
以同時刻石雜之如瓦礫之在圭璧中也隸釋前已
不收以其亦熹平遺刻遂復錄之

欽定四庫全書

卷三

隸續卷三

欽定四庫全書

續卷四

宋 洪适 撰

魏三體石經左傳遺字

𠄎𠄎晉晉世聖夏四月父公洽丁亥炎光正己巳未
東及及𠄎諸諸戾𠄎衛師師哉子孫孫𠄎𠄎
晉晉𠄎𠄎嬰嬰𠄎孫孫事不徂疆疆爾爾余申子惶惟
𠄎𠄎受命命𠄎𠄎二𠄎龜𠄎𠄎𠄎茲截日尺翼𠄎

己以弓于于錫旅城我此友叔鞮邦癸庶庶庶邦
于豳大可可征征征征征征征征征征征征征征
楚奔奔七武有楚八人如于魯秦八我伐固固固于于
于凶森森八人厥滅滅滅滅滅滅滅滅滅滅滅滅
卯卯有幼秋十七十七七邾魯晉晉晉齊齊齊齊齊齊
公八八魯魯魯魯魯魯魯魯魯魯魯魯魯魯魯魯魯
事所厥澎閔閔師旅旃旅亦大南南南南南南南南
會衛侯真真真真真真真真真真真真真真真真真真

冬氏叔封丹七年一季幸出子繼來來于櫜櫜
公丹孫孫圍真鄭鄭至師勛敗率人獲繼禘先
寅簡曹公糶楚夾毛令令正正中中受民山咸咸
止止之命命命曰曰時辟辟心心小小心心乳嗣旅
德德父莽次伊伊肉女勳勳吃羅前前不歸崖視了乃
乃了乃一旅旅旅荒荒寧昔春朝朝東東東
父父二二月鄭廿伯八八八八八八八八八八八八
丘公父子貞貞貞正正夏季季孫孫孫葬葬我小小

小子于臙膝膝子子立己已所所亥同同徽纁衛厭
鬼函函自罔君君子子曰善善用家家純純而祖惟
義廉和學孝算其百百廿冬十念學寧箴儀儀於
行夏卯卯六四月月煉秋七七曹人出本年白替春
卯卯齋齋齋穀十乙卯卯兮兮念念念念念念孫
鑑歸歸牛八父子子子云于于宋宋宋欣欣狄向惟潞
氏氏曰曰伯煉秋秋宰裁廣廣印自自于豈豈不不龍龍
敢屬替替疲合克躬躬綏綏強強勵勵旌旌我王王養崇

若事事赫赫不不子御御金原康及載裁己己
留齊人壬壬豈使使國國家留齊重信信台公叔射八八
于月月齡鄭曰伯于于念念伐伐于棘公公至至自
自中中司有八八奔會邦邦宋宋七七七七申申申申
及真真鄭鄭七七七七月月丁丁丑丑葬葬葬葬
蔡祀桓十十十十有八八八八如如留齊是是夏夏四月月
衛季舟舟舟舟五勤惟惟濶濶諸侯獻獻罰也非非死與
其其勤勤勤勤勤勤非非其其其其其其并并并并小

鞞鞞乃隹惟惟邈亂凶毳無狝非獐寶茂燿方在在
命命命虎而天賜月合疆學事事廿也於於是也
齊齊人人疆速來來同公凶曰

右漢三體石經左傳遺字古文三百七十篆文二百
十七隸書二百九十五有一字而三體不具者皇祐
癸巳年洛陽蘇望氏所刻蘇君有言曰後漢熹平四
年靈帝以經籍文字穿鑿疑誤後學詔諸儒讎定五
經命蔡邕書古文篆隸三體鐫石立於大學今石不

存本亦罕見茲者近於故相王文康家得左傳搨本
數紙其石斷剝字多亡缺取其完者摹刻凡八百一
十九題曰石經遺字即小歐陽集古目中所有者慶
厯中夏文莊公集古文四聲韻所載石經十字蓋有
此碑所無者而碑中古文亦有韻所不收者則淪落
之餘兩家所得自不周耳石經見於范史帝紀及儒
林宦者傳皆曰五經蔡邕張馴傳則曰六經惟儒林
傳云為古文篆隸三體書法酈氏水經云漢立石經

於太學魏正始中又刻古文篆隸三字石經唐志有
三字石經古篆兩種曰尚書曰左傳獨隋志所書異
同其目有一字石經七種三字石經三種既以七經
為蔡邕書矣又云魏立一字石經乃其誤也范蔚宗
時三體石經與熹平所鑄並列於學宮故史筆誤書
其事後人襲其謠錯或不見石刻無以考正趙氏雖
以一字為中郎所書而未嘗見三體者歐陽氏以三
體為漢碑而未嘗見一字者近世方勺作泊宅編

載其弟冏所跋石經亦為范史隋志所惑指三體字
至公羊碑有馬日磧等名乃云魏世用其所正定之
本因存其名可謂謬論夏氏所注古文說以此碑為
石經又水經之事實辨二史之牴牾已定一字遺經
為漢刻矣續得蘇氏此碑益喜前說猶墨守也歷古
所疑於今始判會稽所鐫隸纂亦存三體數十字使
來者有以取信焉

衛即率字
截即彝字

魏下豫州刺史脩老子廟詔

告豫州刺史老聃

五闕

孔子

五闕

魯

為孔子立廟

三闕

桓帝

四政

二闕

而事老子欲

一闕

由桓帝

五闕

老子

三闕

我

屋朕

亦以

四闕

行

者

五闕

樓屋

二闕

黨能嚴

故更脩正昨温

二闕

秋八

八闕

往禱

二闕

樊其宣告吏民

二闕

聞知如故事

黃初三年十月十五日

子下

右魏下豫州刺史修老子廟詔其文曰告豫州刺史

云云如故事黃初三年十月十五日此或與漢詔同

若縣過水北有老子廟水經云廟前南門外有漢碑

北有雙石闕甚整頓在闕南側魏文帝黃初三年逕
譙所勒 此碑凡十三行行八字其磨滅者大半其
前有魯為孔子立廟字蓋援先聖為比也其間稱漢
帝者再蓋東京惟威宗尊祠老子帝紀載延熹八年
而遣中常侍至苦祠老子祭祀志延熹九年帝親祠
老子於濯龍文屬為壇飾淳金鉛器設華蓋之坐用
郊天樂故魏詔再三言之蓋是詔豫部修祠之事當
時刻之於闕也碑後歲月日之下闕子上一字按四

分歷是年十月壬戌朔則十五日為丙子日碑之下
方有唐開元及天寶間題字數十行乃真源縣令邵
昕記祠醮投龍等事真源屬亳州今曰衛真即漢之
苦縣也

魏甄皇后識坐版函

文昭皇后識坐板函

右文昭皇后識坐板函八字紹聖丙子年鄴民耕地
得一綠石匣廣八寸有半長倍之厚三之一鹿頂笏

頭蓋其上有此八字魏文帝甄皇后神坐前之物也
故嘉興守林衡之父時為相之臨漳令摸得之其字
乃魏隸之工者傳於世既鮮故士大夫罕見魏史黃
初中甄夫人於鄴州帝以母氏之故追上尊謚別
立寢廟此乃明帝時所刻者

魏大饗記殘碑

唐君元龍西人 太守先

三闕大饗記

陳留謝 渡舊樂 孫有而仰廬一何過 可間章興

足天 趙宋 岷東 畢方承高 范會 東中山

時亦童昏 唐景寬安定 反歷陶 陽 剔前僧

山仲喜其人堂廚 衆將望月刑庶時卒 為氣

維黃初三年 月 闕 三 繇文為書

千秋萬代 二 闕 主重居外天地始 至里 文王大嚮之

皇 高 徒集有 之魁萬名 一據東西南 術

復歌歎麗 建起尚盤古羅天 為感續 於其 二 闕

樵室去殆冠獲 不 我是 憤漢則瑞 為至府

右大饗記三古文為額其第三字不能識以其辭中
有記字故名之此碑二百餘字損者四之一所存之
文殆不可曉獨有黃初三年字其書法頗與魏受禪
相近文帝大饗六軍立碑於譙在是年之前兩載此
書饗作嚮或是假借受禪碑蓋鍾繇所書此碑黃初
年月之下有一字其左从缶而闕其右疑是繇字或
云碑在長安瑤臺等謂之鍾繇殘碑姑傳疑以俟知

者

龍即隴字

晉右軍將軍鄭烈碑

君諱烈字休林熒陽將封人也其先出自宗周建國於
鄭因眚命氏君其後也遠祖 亢節著德揚光漢氏之
初近葉以儒術博古顯名中興之後還至曾祖先生皇
祖徵君蹈明哲之高尚嘉肥遂而不悶將作大匠實有
茂德載在國策君應中和之醇靈總文武之弘略清識
妙於妍機聰聲贍於燭物踐逸軌之遠迹 確然之大
節故維風濯衣造而能令老成之德居無擔石而能厲

冰霜之潔是呂英材邈於羣萃至行侔於在昔初上計
掾辟司隸車騎將軍府轉參寧朔將軍事除魏令其為
政也仁呂施仁則靈恩行于春陽壯以發令則神威肅
於秋霜末俗變而歸本苦物勃而為萌玄澤洽於朔都
忠良反於南州文皇帝為相國親覽萬機訓咨俾乂君
呂盛德宜登王佐遂典喉舌賦政於外百揆時序庶事
無廢皇猷顯融光被遐裔五等初建封平莞男聖上踐
祚拜騎都尉賜子一人爵關中侯遷馮翊太守于時儉

狄孔熾西土不淨鄙方有戎馬之塵邊邑覩燄烽之警
君震臣神武果呂仁惠威懷允著寬猛相濟遷北軍中
候典司禁戎董導羣帥明鑒審於官材清風激於在位
正義形於聲色衆望儼而祖畏故六軍之政咸當而請
謁之言莫至遷兗州刺史加輕車將軍流化河濟馳風
區外翰音振于天末遺嚮暢於吳會遐邇肅齊萬里是
賴寢疾弥留乞還京輦徵拜議郎享年六十太康二年
秋八月丁巳薨悠悠縉紳莫不傷心愠天道之無誠哀

邦家之喪鎮 子乃命使者奉策追贈右軍將軍印綬
謚曰僖侯於是故吏殿中監申揚等相與永思盛德言
時計功昔龔父鏤烝夷之鼎魯人著泮宮之頌乃伐石
建碑刊表茂庸俾清風奮于百世遺乎無窮其辭曰

峨峨嵩嶽中夏之鎮於鏘僖侯含德之純英齊宣朗窮
理入神龍蟠道淵振曜景雲北臨魏邦百族時雖登讚
聖皇五典克從回守舊京威風折衝還司六軍肅清天
五出牧萬里玄化潛通委辭名位帝嘉厥庸追贈寵服

呂顯高蹤勒銘金石日月是同太康四年七月十日
辛未造

右晉故右軍將軍平莞僖侯鄭府君之碑隸額鄭君
名烈滎陽人仕於晉初至兗州刺史輕車將軍召拜
議郎以太康二年八月卒故吏申揚等立此碑四年
之七月也鄭君所封其上平字則曉然可識下一
字額已損而銘辭亦微缺僅若莞字趙氏以為東莞
則誤也晉縣亦無平莞非鄉名即亭名也余嘗以魏

末至晉宋隸字無可取者晚獲此碑其勁健方格顧
後絕配若雜置漢刻中未易甄別孰謂秦無人馬士
君子被褐懷寶枯槁巖壑之下響不徹於一舉名不
揚於後世與此碑等者多矣可勝歎哉稽山石邦哲
熙明聚碑頗富今亡矣假之其子祖禮諸石有固問
莊問兄弟亦出其所藏故能成書於越未得尤袁氏
張駒氏數種旁搜遠取因以補前書之闕尤張皆第

進士博雅之秀也

碑以嚮為響
以縱為蹤

隸續卷四

欽定四庫全書

隸續卷五

宋 洪适 撰





右樊敏碑兩獸蟠其上就為圭首若今所謂巋巋者其
有一鱗猶龍然篆額兩行偏其右文在穿下凡十八行
行三十九字空一行刻亂曰二行又空一行低十三字
刻歲月及書造人姓名其云石工劉盛息慄書者劉刻
其石而厥子落筆也陳球碑陰書其二故吏之子亦曰
息漢刻惟此碑及武班與羊竇道碑有書人姓名宣和
殿藏碑錄以楊厥碑為龜漢疆耆考其碑云五官掾南
鄭趙邠屬裒中龜漢疆耆佐西成王戒主蓋三人主其

事書佐則王戒之職非漢疆書書之也歐陽叔弼以表
逢華廟碑為郭香察書考其碑云敕都水掾杜遷市石
遣書佐郭香察書蓋一人市其石一人察其書非郭君
書之也張稚圭據圖經以孔廟卒吏碑為鍾繇書按此
碑以永興元年立繇以魏太和四年卒相去亦七十餘
年謂之繇書者非也天下碑錄以周公禮殿記為鍾會
書按此碑以初平五年立魏書云會以正始中為尚書
郎注謂之弱冠登朝蓋已在初平四十年之後矣謂之

會所書者非也北史江式云魏邯鄲淳以書教皇子建
三字石經於漢碑西按此碑以正始三年立漢書云元
嘉元年度尚命邯鄲淳作曹娥碑時淳已弱冠自元嘉
至正始亦九十餘年式以三字為魏碑則是謂之邯鄲
所書則非也其它雜書指劉熊王建詩老子周趙法書苑范式李嗣真書品
州輔汝帖夏承昭汝帖魯峻譙敏並碑錄等碑皆云蔡中郎所書或字
體之不類或時代之遠絕蓋不辨而自決至若魏受禪勸進
碑或以為鍾繇或以為梁鵠凡非出於本碑者皆不足信也


右柳敏碑十四行二十六字凡碑廣一尺則此為
 為一寸其崇亦如之朱爵為首龜蛇為趺






右柳敏碑陰其上刻一禽若鳳其下則麟也中有牛首
銜環兩旁凡六玉其右則瑁圭璧其左則琮璋璜


右益州太守無名碑上下有朱爵元武左右有龍虎紋
七行行四十一字故吏門生題名九行行六人






右益州太守碑陰所刻者五玉而三獸鼎列其中其一則九尾狐也下有一牛首其右者題名三人


右六玉碑其上有鳥三足狐九尾其下則二驢有一人跨其右者最下一牛首蜀人謂之雙排六玉碑






右一碑與六玉同一石在馮緄墓道中蜀人謂之六物
碑其上朱爵而下元武其中没字非漫滅也

右單排六玉碑上下有朱鳥元武蜀人既以前碑為雙排而謂此為單排恐亦是馮緄羨道中物也







右金廣延母徐氏碑上若有額已漫滅而石紋尚有兩
旁有龍虎其辭十八行行三十五字




右廣漢屬國造橋碑有二人坐於上若賓主之容蓋辛
李二君也中有一器其後各有使令者一人上有題字
已磨滅所餘府卿明府四字畫像之下橫刻二君官氏
凡二十六字其下有文十七行行三十七字明君明府
皆平闕我君高遷之句君字亦平闕其後有題名五行

右是邦雄祭碑其上刻麟其下則牛首碑十一行行二十六字有以兩字居一字地位者其後空三行許





右没字碑是邦雄桀之陰也與馮緄墓道一碑相類非
磨滅者朱爵在其上龜蛇在其下




右高頤碑兩螭蟠其首文在穿下凡十八行行二十一
字題額則隸字二行


愷故堂

令之費

君之禮




右費鳳碑篆額三行在穿之右其左有物如螭垂其首者三文九行行三十五字中分其石此銘居其半其餘則低三字載施業戚忠之事又七行行四十四字題名五行行二人碑陰二十二行行二十七字



右陳球碑篆額二行黑字圭首甚大一暈覆

右復有二暈文在穿下凡十九行後有裂者

下斷所存者行二十四字碑陰穿暈皆同縱橫亦有裂
文前兩行書二人之事餘存二十行行二人復有一碑
篆額二行穿暈略同文二十行行三十七字其下亦有
斷者



精司空
宗公碑

The diagram shows a rectangular stone tablet with a decorative arch at the top. The arch is composed of several curved lines. Inside the arch, the characters '精司空' are written in a vertical column on the right, and '宗公碑' is written in a vertical column on the left. A small circle is positioned below the character '空'.

右宗俱碑篆額二行有暈三重暈之左則穿之中也其
右二重纔有其半文在暈下穿在文中凡三行各廢三
字其文二十行行四十字

漢鼓一里對

史王君出牌

右王純碑篆額二行黑字當穿之中有小黑紋額之兩旁為椎拓者所去其文十三行行三十五字

樸鼓懷陵亦

皮影所君碑。


右孔彪碑篆額兩行額下有穿穿下有文兩旁有暈起
於圭首之半至篆文處則沒其文十八行後餘二行行
四十五字有闌界如奕碁之局




漢故園令
趙君之碑


右趙園令碑隸額二行暈三重唯內一重自右達於左
漢碑圭首多若是唯中穿相去有遠近不同者文十三
行行十九字末行空八字書年月與下一字齊

右淳于長碑圭首之上有暈二重自右周於左其左復
有一重篆額三行黑字其文十四行行二十七字






右妻先生碑篆額一行文在暈下穿在文中三行之內
所廢者六字凡十三行行二十五字碑陰十五行四人




漢翰林歸叩
同齋君生碑


右秦頡碑中有篆額兩行其暈兩重皆至額而止不相
接文字多漫滅後有題名數行




右中部碑隸額一行偏其左額上有白暈一重其右復有兩暈不匝字在暈下穿在字中所廢者三行各四字



右義井碑圭首在右額之上有暈一重左有半暈者四凡
二十三行行三十七字碑陰重暈亦同每行五人中無闕
空有名氏字多者則侵用下列題名之下又有記事之辭




右孔謙碣甚小一穿微偏有暈一重起於穿中復有兩
暈在石其一甚短與它碑小異文八行行十字後餘兩
行



仙凡籥
君之碑

右唐公房碑圭首偏右其內有一重又兩重在其左暈
下脚去穿頰遠穿下即刻友所存者十七行行三十一
字其後石已裂篆額二行碑陰一橫十五人



右郭輔碑篆額一行其圭首亦偏左方右暈三重左一
重字接暈下凡十一行行三十字穿在第一字之下銘
後三行各廢三字自額之左皆文之餘

本草綱目

鹿



白鹿



嘉禾

承露人



甘露降


七


龍



木連理

右李翁五瑞碑所圖者黃龍白鹿連理嘉禾有一人承
甘露于喬木之下左方有題字二行






右山陽麟鳳瑞像右鳳而左麟其下各刻一贊碑陰又
刻銘辭皆小篆兩旁有隸字其篆云永建元年季秋七
月饗時山陽太守河內孫君見碑不合禮掾夔造新刻
瑞像麟鳳其銘辭曰漢盛德中興即政二年辛酉之節
首歷六十辨青龍起蟬媯三月季春爰易立碑石順禮
典文九九應度數萬世常存爾雅注單閼音丹道一音
蟬媯永建二年歲在丁卯故此碑用蟬媯字米元章畫
史云此圖半篆半隸麟一角上高如足翹如惡馬鳳高


冠尾長甚可怪也以詩題之曰非篆非科璞已雕形容
振振與蕭蕭曾因忠厚方周德坐想訐謨覽舜韶漢德
已衰還應尊魯邦既弱不為妖虛齋自是驚人玩不勝
雄狐遂怒鷗漢碑有麟鳳者不特此一碑元章特未之
見耳





右麒麟鳳皇碑各以二字題其上漢人所圖二瑞獨此
最為奇偉其一雜之故鄉書度中尋之未至

右大嚮記古文額一行額之兩旁有白紋貫於上下外
有暈兩重不過額其文十二行行十七字非全碑也黃
初三年及千秋萬歲代字平闕





右左右生題名碑額無字穿上有朱鳥其旁有龍虎又
其上有雙鳳翔舞之狀晉宋間所刻者歐公誤以為漢
碑隸釋已棄不收以其碑首刻畫清新故錄之



漢謁者北毛司馬左都僕沈府君神道





漢新豐令文趾都尉沈府君神道



右沈府君二神道其上皆刻朱鳥其下則右刻元武左刻一獸之首若虎而角環在口已缺其爪據之

卷之八

神道

三十一



漢太尉車騎將軍特
進昭烈侯劉公神道

漢太尉劉公
諱寬字文饒



右劉寬神道二刻隸字各二行其上皆有螭左右相向其
下有一獸之面兩旁頗不具或是打碑人所損




漢故先靈侍御史河內緄令王君稚之闕



漢故兗州刺史雒陽令王君稚之闕




右王稚子二闕其右則騎而西者二人其左則乘車而東者二人挽之者橐佗也王君平生官簿互見於兩闕之上

右江原長碑其下一獸銜環其文三行以左為首似亦
是墓闕也








右金恭闕上刻一禽三足次橫刻金君姓名次刻一人
執扇乘馬似是金君也旁有龍虎銜環其下斷裂



漢故平其
令董君颺



右不其令董君闕所畫者子孫展墓之狀有僕馬休于
松楸之下所題八字其左復有四五小字不可辨碑錄
所載董君雙石闕字此蓋其一也其一則云童恢琅邪
人隸文董字卞下著童碑錄及范史誤去其卞張駒云
嘗見不其令一碑數百言其字大小如防東尉司馬君
碑亦多漫滅者當是彼一闕也



其上重暈與埋名同中刻此四字 右碑
圖上卷中原漢碑有穿或有暈外無他飾圖鳥獸龜蛇之
形者惟益部有之荆兗間亦有刻人物於丘墓之石壁
者其畫瑞像則有孫李之碑

| | | | | | | | | |
|--|--|--|--|--|--|--|--|--|
| | | | | | | | | |
|--|--|--|--|--|--|--|--|--|

100
100
100
100
100
100
100
100
100

隸續卷五